

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 64. stav (1) tačka a) i člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za javne nabavke, broj: 01-45-2477-3-3/23 LOT-5 od 7.11.2023. godine, u otvorenom postupku javne nabavke „LOT-5 GORIVO-PROZOR-RAMA“, Vlada Hercegovačko-neretvanskog kantona je na 10. sjednici, održanoj 18.1.2024. godine, donijela

**O D L U K U**  
**O IZBORU NAJPOVOLJNIJEG PONUĐAČA U OTVORENOM POSTUPKU**  
**„LOT-5 GORIVO-PROZOR-RAMA“**

**I**

Prihvata se Preporuka Komisije za javne nabavke, broj: 01-45-2477-3-3/23 LOT-5 od 7.11.2023. godine i Zapisnik o ocjeni ponuda, broj: 01-45-2477-3-2/23 od 7.11.2023. godine, i ugovor za javnu nabavku u predmetu „LOT-5 GORIVO-PROZOR-RAMA“ dodjeljuje se ponuđaču „HOLDINA“ d.o.o. Sarajevo, ponuda broj: 012/40005515/01-11-23/298-1 od 2.11.2023. godine, za ponuđenu cijenu od 68.549,00 KM, bez PDV-a, odnosno 80.160,00 KM s PDV-om, kao najbolje ocijenjenom ponuđaču.

- cijena za 1 litru BMB 95 iznosi 2,19 KM bez PDV-a, odnosno 2,56 s PDV-om, i
- cijena za 1 litru Euro dizel 5 iznosi 2,36 KM bez PDV-a, odnosno 2,76 KM s PDV-om.

Jedinačna cijena je nepromjenjiva 60 dana od dana podnošenja ponude, a nakon tog roka je također nepromjenjiva, osim u slučaju pomjeranja cijena na tržištu za više od +/-5%.

**II**

Ugovor s izabranim ponuđačem će se zaključiti nakon pravosnažnosti Odluke o izboru najpovoljnijeg ponuđača, odnosno nakon proteka roka od najmanje 15 dana, računajući od dana kada su svi ponuđači obaviješteni o izboru najpovoljnije ponude.

**III**

Protiv ove Odluke dopuštena je žalba Ugovornom organu u roku najkasnije od 10 dana nakon zaprimanja Odluke o izboru najpovoljnijeg ponuđača.

Žalba se ulaže Ugovornom organu u pisanom obliku, direktno, elektronskim putem ili preporučenom poštanskom pošiljkom, a sve u skladu s članom 99. Zakona o javnim nabavkama.

**IV**

Ova Odluka će, u skladu s članom 70. tačka 6. Zakona o javnim nabavkama, biti objavljena na web-stranici Vlade HNK istovremeno s upućivanjem iste ponuđačima koji su učestvovali u postupku javne nabavke.

**V**

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01- 102-122 /24  
Mostar, 18.1.2024. godine

